



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 96. Alphonsus, & Petrus Medicæus discordias inter Galliarum Regem & Ludovicum seminare conati

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV. ultro aperientibus, qua re comperta, Alexander omni cunctatione remota copias suas in Romandiolam revocavit.

§. XCVI.

Alphonsus, & Petrus Medicæus discordias inter Galliarum Regem & Ludovicum seminare conati.

Neapolitanus Rex æque ac Petrus de Medicis cum angustias, quibus implicabantur, eluctari percuperent, Galliarum Regis cum Ludovico societatem dirimere satagebant; Neutri opportuna defuit occasio; cum enim Ludovicum Mediolani Ducatum, cujus investituram ab Imperatore jamjam acceperat, sibi afferere, unice intentum esse haud ignorarent, ambo opem operamque eidem spoponderunt, ut quietam Ducatus possessionem tueri posset; Neapolitanus vero, quem haud latebat, Franciæ Regem pecuniarum inopia premi, quæ eidem olim Pater ejus promiserat, denuo confirmavit, pollicitus, se deinceps Gallicæ coronæ vestigalem fore, quo facto Caroli VIII. honori, ejusque famæ cautum esset. Ad ejusmodi vero consilia eo tempore suscipienda potissimum ex eo permovebantur Alphonsus & Petrus de Medi-

æcul. XV.

A.C. 1494.

Medicis, quod Ludovicus a pristina ani-
mi sui sententia plurimum discessisset,
cumque paulo ante Petrum ad deserenda
Alphonfi amicitiam sollicitasset, nu-
perrime eundem, misso ad eum Step-
hano Taverna arcanorum suorum arbitro,
ad constantem cum illo societatem hor-
tatus esset: Petrus igitur Medi-
cæus, cum subdolam Ludovici mentem
satis sibi compertam haberet, nec ultra
ejusdem fidei sese committere vellet,
collato cum Neapolis Rege consilio sta-
tuit, junctim omnem impendere operam,
ut ambo Carolum de perfidia sui foede-
rati plene persuasum redderent, proin-
ducerent, ut satius haberet a suscepto
consilio desistere, quam ejusmodi Viri a-
stutiæ sese concedere.

Negotium hoc exequi in se recepit Pe-
trus; igitur Joannem Mattaronum, qui Flo-
rentiæ Caroli Regis nomine residebat,
habito colloquio de tota rei serie edocet,
spondetque, se luculento demonstraturum
argumento, Ludovicum in Gallorum
perniciem fraudes machinari, id ut per-
suasissimum Mattarono faceret, palatium,
ut adiret, illum rogat, atque adventan-
tem in cubili suo clam sub aulæis ab-
scondit, moxque Tavernam ingredi jus-
sum altiori, ut cuncta Mattaronus perci-
peret, voce alloquitur, eique significat,
totam Italiam cum luctu & gemitu me-
rito

Sæcul. XV.
A. C. 1494

rito de Ludovico conqueri, quod eam Gallis subicere pertinaci consilio decrevisset. Ad hæc Taverna haud minus elata voce respondit, Ludovicus Dominus meus culpam suam non inficiatur, eam tamen reparare paratissimus est, ac vehementer exoptat, ut Italiæ Principes cum eo in pristinam redirent amicitiam, qua impetrata fidem suam obstringit, quod Gallos ultra Alpes repulsurus esset, nullo eis relicto spacio, intra quod Neapolis regnum vel oculis suis emetiri, minus vero illud armis occupare possent. Plura alia magis notatu digna Taverna subjunxit, quibus Ludovici perfidia, ac perversa ejusdem consilia satis manifeste prodebantur; his perceptis Mattaronus, plura in Franciæ Regis damnum audire impatiens, dato signo Petrum Medicæum monuit, ut Tavernam abire juberet, moxque Carolum de colloquii successu edoceri, summa sollicitudine curavit: Unde plurimorum sententia fuit, quod Rex Christianissimus quantocius Mediolani Ducatum tota belli mole oppressurus esset.

§. XCVII.

*Ludovicus objectam sibi perfidiam
apud Carolum purgare
conatus.*

Ast longe aliter evenit, ac putabant illi, palam.